

三山王養靜先生集

王養靜先生文集序

士之生世負美質而好學者必
能該博乎物理擴充其志趣故
發言為文任意成章譬之有源
之水取之不窮用之不竭自有
不可得而竭者此其所以深於

文也若養靜王先生福之三山人諱褒蚤負穎敏之資超卓之才自太學出官于筠調教于長沙得以優游問學咀嚼英華馳騁於文詞翰墨之場者素矣每膺禮聘主典江西鄉試及禮闈

東廣政每於公暇懇先生之文
泯而不傳乃手編成帙間嘗出
示潮郡太守清源謝侯光侯在
姻舊且喜其故家文獻足徵槩
然以成厥志捐貲鋟梓以廣其
傳禹子言享其首簡子唯六經

之文

法

七

灑

七

言精

辭奧

不可

尚矣下迨漢唐宋若揚雄司馬
相如韓退之柳子厚歐陽脩蘇
子瞻諸君子出始工於文世之
學者翕然宗之千百載猶一日
也今先生之文祖六經述諸子

積中發外根據理義不靜陳腐
語其言和平溫厚宛有臺閣之
風而無山林之氣是蓋深於文
者宜為錄出以與四方學者觀
覽而先生之名由是得以出入
於諸君子之間垂諸永久而不

朽也奚俟予之贅辭哉茲辱其
請用序此以弁其端

成化十年龍集甲午夏六月望
中憲大夫知湖廣寶慶府前戶
部郎中致政潮人蔡翔書

三山王養靜先生集卷之一

詩

四言

瑞菊

翰林黃君宗豫辟舍之南瑞菊生焉一蒂二花
人咸異之褒聞瑞依治而至也斯菊之瑞蓋有
所依焉因為詩以詠之

喜物之瑞至和胎融心正氣洽化機流通維此化機以毓
萬彙揭德之符為物之瑞其瑞伊何發祥自家黃中通理
以揚厥莘莘之茂矣有義菊一萼二葩託古且復唯其

瑞之曷以比之同類之禾連理之支休徵在茲積慶唯人
苞秀孕靈為國之珍本固而豐以培以植顯藏弗替與道
為一愷悌君子佩服攸宜斯維德馨式是遠而

北蒙無幻師以松泉清響扁其琴室 養靜居士

因作操以貽之

蔚蔚長林有松蔽天泠泠空澗有鳴其泉波濤洶湧聲在
澗顛金石戛擊泉流滄峭誰其寫之焦尾之絃候有候空
與幻俱遷何以知其然試問北蒙之禪但長笑而無言聊
徜徉於永年

五言古詩

謁馬當山祠

洪武三十一年後五月

聖天子登極踰年改元中外大小臣庶禮賀

京師褒職當往廻舟雷港之上北風大作不可
行遂憇于馬當山下巔有古祠殿宇荒落庭砌
蕪穢予與武昌郡博士周懋憲臨湘宰李文顯
同登其上其地有馬跡巖虎踞石下有斷碑碑
文不成章載王勃假神之風一夕抵南昌事褒
少讀傳記頗異之遂賦此兼以紀一時之會云

聖人登大寶玉帛朝萬方顧茲儒冠者亦得趨馬當山

既禮備官守職有常歸舟發雷港掛帆江中央北風一何
怒四顧沙塵揚推蓬喚舟子暫憇青山陽上有太古祠飛
甍凌穹蒼馬跡何靈吳虎踞亦跡張斷碑棄廡下遺文不
成章摩挲一拜讀攬衣起彷徨勃昔少年日假風抵南昌
至今滕閣記千載生輝光茲事載傳記總角聞其詳敢擬
呂黎翁垂名繼三王巖壙誨知命千金戒壘堂履險非所
幸於焉共徜徉周郎好經術李宰頗清狂欲速懼未達至
言藥石良斯須風轉息鼓柁歌滄浪明發望廬阜裁詩寄
不忘

題李將軍獲峯詩書後

爾祖謫仙人讀書匡山陰偉哉雲仍孫千載同此心
蒼峯色下瞰湘江深石逕入烟篠巖扉閉雲岑橫經群猿
下散帙雙鶴臨掩耳曾生召抱膝梁甫吟松際一片月照
君石上琴七絃引遐思清響生虛林

聖代堯舜治夔龍共招尋干羽觀苗格箫韶放鄭淫分符
辭北闕錫帶垂南金佇看文中賞逢爾瑤華音

題陸御史終慕堂卷

聖人五十慕大孝古今憐念子恨獨苦所慕惟終天白楊
掩蒿里夜臺隔重泉葵墻望堂奧音容來目前風木泣長
途蓼莪廢遺編重感古人行知爾期共傳

送建安郡令考滿復任

閩閔洙泗地昔賢俎豆鄉至今詩禮化童稚歌虞唐緜衣
遠出宰列宿垂烟光牛刀聊割鮮鳴琴不下堂武夷鬱
峩九曲溪流長離亭一杯酒山水含餘芳報政書上考歸
程促吟裝邑人望桃李慶慶誦甘棠

題合浦丞蕭雲舉海天東望卷

古云獨賢勞念爾日驅馳九載合浦丞一官南海涯茫茫
烟波遠渺渺長風吹誰將寸草心愁我堂上慈合浦珠已
還庭闈歸未期斑斕綠衣樂浩蕩双松思東望日五色白
雲共離離鸞飛報

主日委曲承顏時

雲巖松屋

林壑尚初服簡編事故居空巖青天半白雲恒卷舒巖絕
路窈窕長松亦縈紆鑿翠構窓戶憑虛敞庭除中有稷契
儔貧無僭石儲耕塋朝負耒篝燈夜讀書白雲松上來開
門歡與俱偶此成賓主熙熙太古如鵠來二十年遠近揚
芳譽州縣侵我駕振衣躡天衢傳說起板築孔明辭舊廬
霖雨時早仰梁棟明堂需始推簡編用遂與林壑踈偃息
若自慕文憲焉可踰懷土聖人戒凝物嗇者趨唯應商山
吟吁唏同却俞

南康翁教授三益齋卷

聖人重名教朋友居人倫文會聚鄉國懿義古所敦蓋簪
期直諒麗澤資多聞侃侃膠漆契藹藹芝蘭芬所貴望三
益切磋良有因終始心匪他相將德業尊如何便辟輩
婉容儀繁悅媚桃李芳辭說波濤翻奔馳貨殖區合并權
要門時去謝衰歇棄置寧復論夫子尚古道因之佩格言
臨風謔伐木矯首瞻停雲

病中偶書寄郡庠知己

臥病經旬日冉冉猶三秋柔腸自九迴坐令成百憂孤燈
悄前除飛雨來層樓迢迢此時心徬徨四無倚顧茲螻蟻

息朽索羈驂，驕顏落在斯。須臾能少遲，留洛陽。困賈誼，長安有馬周。人生百年內，壯歲多良籌。市上遊俠兒，秦箏夾齊謳。流光東逝水，去去歸山丘。

陳坤奇耕讀軒

湯湯北溪流，渺渺綠洲遠。烟火隔疎籬，牛羊牧長坂。我屋日綢繆，我土日耕墾。耒耜有時閑，簡編可舒卷。清晨望東臯，回首西山晚。甫田帶經鋤，細雨倚書飯。聊思教子孫，未俗笑予寒。簪組非所榮，古道在務本。

題新安汪子容壽藏巷

人生草上露，回首日已晞。顏非金石資，焉用千載期。昨夜

高堂歡薄暮南山陸絃歌聲未歇涕淚沾裳衣達人貴知
命常用北道推樂丘事已卜夜挽情亦悲我生諒如寄九
原行當歸閒導面息所不醉後何為

送浙江按察使周志新之官

錢塘古椎藩川陸泛四方第宅富而麗士庶材且良戎衛
夾部縣薄書三三三三三三三三三三三三三三三三三三
彥登登君子堂金石棘寺評魁冕栢基行繡衣明旭日玉
節嚴秋霜儀表動朝著丹鳳鳴高崗滇池萬里道攬轡夷
獠鄉坐見歲月間化絃日以張再蒞東南政才高行彌臧
致遠識騏驎蟠根別干將薈、吳山秀湯湯秀水長令聞

與之俱千載期不忘

湖南田舍為上虞沈庭珪作

藹藹湖上山迢迢湖上路田家大湖濱三五亦成聚朝耕
湖上田暮喚湖上渡稚子遠相迎牛背掛農具今年喜有
秋不為租稅懼床頭釀茅柴取醉羅粟芋相看桑麻長焉
識簪組誤縣門久未行且樂成嫁娶湖山護人家烟火隔
籬落愛此湖田肥生產願自託兒孫日長成努力趁春作
驅牛耕遠郊牽犢鋤近郭農事喜及時秋收聊可度穰穰
登倉箱餘粒飽鳥雀村塲有濁醪莫負隣翁約笑爾東西
人誰識田家樂

題雪月梅圖

濛濛數枝亞，皚皚六花深。望舒亦娟娟，悠然思難任。寒光
遠應隔，冷艷追莫尋。茅齋雜且莫，苔徑迷園林。橫笛無逸
響，枯桐有遺音。蒼筠瓊閣曙，恍惚瑤池陰。杳杳羅浮夢，冷
冷孤山吟。共期貞白節，歲寒同此心。

題南康翁教授匡山讀書處

海國橫秀氣，茲山鬱羣峯。青天半倒影，凌滄波匡俗
古。哲士結廬層巒阿，遺構委蔓草巖扉。長蓬科我來，屬杪
秋攀躋。興尤多，樓觀出林表。石蹬穿松蘿，琴尊落葉下。衣
袂浮雲過，群籟起天末。長風振寒柯，手招謫仙人。宴坐未

顏酈細讀紫陽碑，莓苔共摩挲。懷古訪陳迹，賢達知幾何。
愧我山野癖，歲月徒蹉跎。夫子金闈彦，侯庠賦著裁。散襟
發逸思，杖策仍長歌。夔龍鳳池上，珊珊振環珂。終當拂衣
去，接武金臺坡。

題遠汝賢素庵

天地一逆旅，我身兀如寄。夙非華艷姿，獨抱冲漠志。茅宇
對詩書，衡門絕車騎。養素無外營，林泉引深契。青黃木之
災，錦繡犧牛累。人生安賤貧，所樂在適意。

題秋林泉石園

高林頗深邃，遠洲亦縈紆。風景一何異，中有賢者廬。陽崖

落日明陰澗浮雲虛耕莖見秋火扣舷聞夜漁
中機務日相拘念茲膏肓疾愧彼泉石圖抱拙謝簪紱養
素宜琴書俯仰天宇寬所樂恒有餘

題九江別駕魏冥冕素軒

末俗競紛葩奔馳事華侈若人寡所營持心在素履大音
聲自希玄酒有餘旨澹泊顏相遭冲襟諒如此青黃木之
災錦綉犧牛累神完唱內虧便安稱外美軒居對嶙峋朝
夕事恭止坐使淳風還熙熙及千里

題靜閣

渺渺天際雲澹澹川上水物性適自然我心亦如此衆美

但眩目群喧徒聒耳如何牧羊者多為岐累爾舒情對簡
編兀坐閑巾履俯仰天壤間熙熙有深理端坐結芝蘭成
巽謝桃李試問適意深虛堂靜中是

中秋文閣讌集得達字

盛時屬文運俊乂期登庸三載薦多士四方羅文雅騰茲
九秋半氣候何空濛嬋娟出東嶺浮雲斂層空闌棘今夕
會祈桂此時同華堂入夜開展席來相從流輝照尊俎微
寒薄策攏栢臺共濟濟薇垣獨雍雍主醉樂且多賓廻興
未窮攬衣望霄漢炯炯明光宮人坐辨天上鳥飛疑鏡中
合并不盡歡佳期諒難逢洗杯濯清沼移榻當高桐魚腹

殊未已所思悟其終徘徊一分手千里八飛蓬飄飄草
陌別過東城鐘

題崇書閣

虛窓帶莘池高閣面遙岑圖書充絕棟芸香散冲襟豈為
簡編具特對賢聖心探討意轉密尊崇思彌深籤迴鄴侯
架經重常相金誰謂束三傳於焉競分陰官舍夜來寐冥
坐思沉沉篝燈起濡翰題詩聊自箴

題沂濱清隱卷

昔賢沂上樂春服咏而歸至今千載下猶聞鼓瑟希夫子
昔賢商嘉遜樂樓遲濯纓清流上彈冠知者稀微風芝圃

佩細雨薜蘿衣萬物貴得所中心願無違荷蕢有鳳歌石
門賦式微自非諭隱儔忘世空爾為

題壁水瞻雲

征鴻度南浦慈烏號北林白雲仍在目惻惻思難任雲飛
滄江上日夕歸故岑高堂曠千里倚門望彌深孝子愛寸
晷哲人惜分陰百年顧云邈歡樂當在今綵袖時獨戲板
輿日同尋願同白雲飛修爾諧冲襟瞻雲念白首俸日秉
赤心狄公播英名價重雙南金

送沈驛宰入京

復駕出西廓楊柳何依依念子四方志折之贈別離別離

豈足道所貴功名早百年等須臾安能長壽考顧彼聖人
言四十當有聞洛下召賈誼闕中識終軍希君古心齊脩
名在人口莫作草與木零落三秋後

送友歸故園

凌晨石渠集步出西上門脩聞同懷友優詔歸故園堤上
金明支裊娜春日暄折之贈行色鄉思隨紛紛夜來沙陽
月照君林下尊攬衣鶴為舞染翰禽能言雖云鄰局歡當
念王程煩早拂季子衣休望西山雲

南昌章叔明溪隱

冥心厭塵鞅道跡清溪流竹下坐垂釣柳邊繫孤舟野徑

入山陰到門有白鷗夏雨夜來過微茫望滄洲取醉何
醉茅齋日滯留長歌滄浪曲詎為名利謀機杼隔籬落牛
羊下林丘衣食聊自足安命復何求

題陸有孚山水圖

遠山白雲裏近山青天上樓觀何巍哉金碧鬱相望石塘
照縈紆平林見空曠設拂渡橋鞭且憇沿崖杖良時趣自
隨佳境意足暢柰此行促期丹梯當再訪

古意

湘江江上樓有婦彈箜篌試絃一再彈遲遲聲且柔情繁
指轉急曲長心難收一曲未及終淚下如迸流憶昔始得

時晝夜為淹留擬將知音託百年
叙綢繆誰謂生知者如
何事遠游朱顏能幾度青陽
倏五週遺譜不復理疎絃已
終投所思在天涯望望江上
舟東風昨夜至春光滿汀洲
強整昔時歡徒增今日愁
願因東風翔吹落古交州
夫壻馬上迴聞之應白頭

刑部督負外富春山讀書處

泊舟富春渚躡僑富春山
荒臺見遺構下瞰滄江寒
中有績學子辛苦服儒冠
岩扉入松栢獵鳥時往還
掃榻落葉下捲幔浮雲
闕橫經對秋月遙音薄
林巒豈謂耽章句斯
當先難竭來十載餘
翔翺賢士閣持節出
烏府典憲佐

秋官南山宿霧姿文采何斑斑高岡鳴陽侶九仞雲逵翰
值此

明盛時玉珮聲珊珊矯首讀書處炯羅邈躋攀嚴陵客星
隱清名滿人間出處雖異途我心求所安

送長樂張令回任

明時需俊人薦剡富才雄百里得賢令字人多治功長樂
稱名邑物產魚鹽充割雞試牛刀登堂理絲桐維時賦稅
入轉輸閩海東諒非道路致艱難念民窮輒書對雙

關優

詔下九重弛禁易人才遂許舟楫通頌聲播遐邇豐壤歌

時雍圓穹垂列宿烟烟

聖化同

題孫司訓竹圖

綺羅色芬芳珠翠光歲筵舉世共奔競賢者獨遠而衣羅
豈不寒食糜豈不飢中心責自適於焉靡外思眷被草木
間素行恒若茲挺挺群物表昂昂青雲涯虛心比顏閔高
節同齊夷切磋君子業操存哲人宜吹噓集大廷唱和當
明時簫韶九奏慶鳳凰應來儀

京學廣文

迢迢鄧江水上
有讀書堂書聲日伊吾
宛若鄒魯卿韋編

菽桂影空生香豹隱霧雨深
鵬搏溟池長出際
明盛時振鐸教京庠
衿佩儼先後絃誦何顛昂
修懷鶴鷄念回顧
鷗鴈行內潤開叔慈
千里見元方
燈火醉共被風
兩喜連床雖眷友
于樂應懼故山荒
逶迤蒼玉洞
差峩臥龍岡
山川留勝跡
努力功業昌

題杏村書屋

杏花能幾樹
葳蕤自成村
深巷共委曲
茅簷絳壁喧
書聲樹際來
泠泠篋與墳
芳香微風集
清影晴雲屯
有時散餘帙
攀折獨盤桓
琴尊聊適意
冠蓋復在門
道腴固所樂
朋游諒非煩
但恐束帛來
戈戈資丘園

三山王養靜先生集卷之一

三山王養靜先生集卷之二

五言古詩

題潘御史山水圖

廬山天外橫秀拔東南絕影墮長江
流空翠坐明滅峰
冒萬里雲林埋九秋
雪谷口崖欲傾潭邊路將折石口
紫萸蒲蒙茸生九節采之不可攀
中腸愁百結俯聽蛟
螭鳴仰視河漢列吾將投石門
永與世人訣

送懷安祝司征秩滿之京

四月螺水綠離懷結滄洲
曾酒雙玉壺相送長江流
祝生青雲岳薄宦來南州
羨清那獨羨斗粟仍三秋
鶴書

春遠景草色連孤舟客心正浩蕩西上令人憂
兼業臨岐勿綢繆四十耻不聞所懷列士羞銓曹
鏡郎官足良籌奮迅屬鷹隼寒曉識驛騎京師
會冠蓋如雲桐春茲照乘珠那能暗中投

題王彥英扇面雪圖

鶴警曉際行蘭舟夜深度迢迢百世人悠悠千載越秋
景淡上迴石門細何屢藹藹萬川原春卉卉籬落曙晴
清興多夢遶孤山路白虹垂長橋空林失煙樹盛夏
小齋鬢髮寒色吐始知雪間晴移向月中素查查黃
篇遲遲兔園賦願茲卸下吟徘徊有新向

千戶蕭世英風雨歸舟圖

長風起天際急雨相追隨孤舟往何許蕩漾空江涯
遠樹枝盡回浮雲影猶馳倏爾氣候變舟行將何之所念
庭闈望不辭風波危風波豈無患庭闈樂有期折坂懷
求歎太行引遐思所以賢哲士千載恒若斯任重貴巨
器致遠頌良驩儒先有明訓古人以爲師

送徐孟彬醫士

京師萬方會妙術如雲委徐生醫國人賣藥都城裏上
探軒岐心下究素難旨親見長來公飲以上池水了疾
却教方回生但一七門外長者重來馳且復

沉疴踈嬾笑莫比願祈肘後餘優游養暮齒

題囊山清長淮梅林白雪

囊山無塵境結構當虛林眷茲千梅逆宛若六花深淨可謂慧性
明時照禪心凄々峨嶺寒靄々羅浮陰徘徊玉堂直聊寄郢中音

題禮科馮給事安仁清慎齋

湛湛萬頃波迢迢六馬馭清可照寸心慎以息群慮
章絕纖塵致遠當長路顧茲養素功眷彼履薄喻
莫夜金執云溫室樹古人守至理企想引深悟齋居
虛明宴坐對雙履俯仰有餘懽悠然咏佳句

送錢塘黃典史還任

錢塘古劇邑為治良獨難况此幕下賓贊襄固多端北大
物云阜道要政且繁鋒芒厲利刃一舉別錯蟠眷彼柔惠
化案牘非盤桓孰諱衆寧理亦求寸心安蓮帷白日靜松
宇青春閑爵祿有崇早所貴称其官翩翩五色羽棲止枳
棘間終當覽德輝玄圃期往還

送蘇助教文鉞歸北京

二月春云半雨雪日霏霏出門總泥淖相送橋門歸憶昨
橋門別考蹟朝京畿行裝束纈籍高閣虛簾幃誰知照乘
珠入戶生光輝賜環沐寵渥凌晨賦式微龜蒙魯樹遠金
臺蘭麝飛橫經在旦夕想是換春衣丙京望南此毋使青

信稀丈夫四海志白首願無違

挽恭寧令王楚材

蚤聞恭寧令治行漢吏循縣中桃李陰百里生陽春談經
重雅頌猷策通天人芳譽清風遠藹藹播縉紳倏尔梁木
頽九京返其真里杵窳不相荅訶絕四鄰祠鄉念遺愛中
牟含酸辛獨留烹牛刃永視傳家珮鳳毛見今子鰲首早
進身出入赤縣間才華邁等倫至今墓木拱麋鹿日以馴
瑤山漱何許南望涕沾巾

挽淵靜解先生檢討之祖

字川日云逝惻愴含餘悲千章不純隄不昆故園遺夫子

當代賢四方仰容儀家傳田生易門擅毛公詩理探天人
輿論吐秦漢辭中流一砥柱頽波竟東馳二難念季方內
潤誇寂憇火佳聞坦腹景良稱白眉東帛丘園貴重此山
林姿素志兼嘉遯金石諒不移蹇予生也後詞垣復濫吹
稽首大父行趨陪忝孫支電鼎試漆指糟丘擬啜醪高名
山嶽崇燁燁後人思至今東郊上宿草青春滋共說隴崗
表宛著臨溪碑

題陳實琴卷

琴名澄心

嶧陽澄嶠奇爨下識靈異由未澄寸心泠泠七絃裏筠簫
閱畫堂薰香生石几一鼓趣已深明月在秋水荷蘭空谷

音樵詩詞抄起相對共忌言塵襟淨如洗

挽金慶士 翰林典籍金寔用誠之父也

柯峰鬱巖嚴澗含清漪哲人日云逝失此山林姿寂寞
月旦評懷絕陽秋詞菊莊掩行迹寒香生殘支憶昔玉堂
擢徵材忝相知杖屨侍先輩儀刑垂後規如何東南訃白
日慄無彈倏如數月別遽作千載期飢烏下獨棹涼風吹
喪帷荼毒孝子懷惻愴行人悲招魂藉楚些茹哀酌湘離
無因守遠道聊爾寓所思

送李右文無為判官

涼風含江上蕭蕭二將子袍手持一樽酒長揖別我曹孤舟

掛五兩搖曳秋天高共言庠序秀縈此州縣勞任重志自
遠才優氣應豪佐郡展驥足承家見鳳毛志凌千里內領
聲播蓬蒿始知半刺貴誰謂試牛刀淮山帶落日西望心
忉忉臨岐寫短詠蹇劣愧揮毫

題太平府薛三振之思親卷

君子有所思所思良獨難高堂在何許九原路漫漫食祿
不待養衣錦誰為歡良宵四五起中情詎能安春至霜露
零秋深風木寒感茲歲華改惻愴頽心肝宦遊天一涯頓
眴形影單努力播芳馨期以垂不刊

做縣教諭周克已交翠軒

夢寐春陵雲手探瀟溪水溪迴氣象合萬頃清無底雲間
無怒翁白髮兩垂耳青蓋駕蒼虬顧我啓玉齒黃卷千萬
言大道直如矢循環造化機日月無停歇采華掇桂英格
腋窺石髓邃谷孤獨聞層崖杖猶倚覺來戶牖空階除翠
交柔高樹移繁陰閑花落輕蕊晴光散踈簾春色侵淨几
端坐生意多叢望中足

石井雲揪為長史揚世顯賦

鬱 = 石井墳下有孝子親孝子情同極念此百年人浮雲
天際行寒揪四無鄰奄忽雲封合黯淡東郊春揪木已日
拱雲行自昏晨孝子在遠道涕泗沾裳巾過家奉明詔展

墓前因懷叔安陵坂千秋見雲仍安陵坂上揚子之家
在焉

題閻藩叅議李子莘林泉書舍

開軒臨幽邃散帙當清漪爰以君子居壘山林泉姿空翠
散瑤席輕流變草池牙籤插高閣萬卷光陸離逍遙絃誦
暇魚鳥忻相隨俗慮湛若忘談笑無厭時早逢雍熙治文
翰久見推歛起蒙

帝制兩藩類網維濟濟夔龍侶接武赤玉舞東觀校群籍
西清騁雄詞瑩如玉壺水粲若瓊樹支茗溪增秀色天目
舍餘輝黎庶待無字丘園寧解遠寄聳松桂約首以爲

九峯樵隱為延平道士周宗海賦

天外翠可憐九峯鬱蒼莩道人日無事持斧行採樵穿雲
出花迳緣崖度松橋暎林同掛巾飲澗獨棄瓢遠伐南山
桂近尋北谷椒歸來煮白石羽伴忻相邀不愛黃金章愛
吹碧玉簫長歌下鸞鳳餘音入雲霄青芝日應長黃精春
生苗雖同淮南隱未許小山招

長樂今張德捕魚圖

大魚出深淵小魚在淺渚群動若有營物化竟如許縱觀
如崇蔣取樂濠梁呂衝波阮澤二戲浪復周二屋懸示煎

介轍涸念憂阻孰謂子產賢亦聽校人語

送錦衣衛指揮林尚賓嚴君伯祥父加官還閩

人生皆有子有子期立身今子立身早功名如古人弱冠
事弓劍詩書復相親長才廟中器羨譽席上珍夙承九重
顧幾載登要津緩帶黃金重輕衣五采新錫爵在高堂千
里生陽春扁舟閩溪水旅食吳門晨拜舞雙闕下白首虞
廷臣鳳誥封紫泥息波浩無垠簪綬動州縣軒車照鄉鄰
雖云閱閱貴所藉操履醇春風引歸夢驪歌侵行塵暫辭
五鼎養鹿念三族仁克家事已顯許國心尤頻細看青史
上芳馨期等倫

潘太守友恭堂

潘有母夫人在堂

棠荆蔭前榮墳遺奏中堂眷茲同氣樂藹藹如春陽那寧
腹心要親念手足良萱香拂采袖桂影泛壽觴淮南詒斗
粟糊口視四方嗟彼闕墻輩有媿鴻雁行齊家美政推治
人今譽長試看循吏傳風化重綱常

進賢周志善谿樂

進士周煒之父也

溪樹遠更密溪流曲而舒愛此溪山好中有嘉遯居苔運
綠野迥茅亭帶林匿荷未見春作扣舷聞夜漁絃瑟賞古
調散帙讀殘書巷繇賢人宅門多長者車兒孫日已長田
園樂自如不語川上訓焉識智有餘

題永豐周大掾龍圖

高門高崖歲中有出峽龍雲霧垂大地波濤歛長江頭角
照山嶽蟠鬣翻青虹變化固莫測孰知西與東霈澤遍下
土時見濟物功紀年嘉瑞應游冶昌運逢卧視南陽隱才
稱北海崇儒哉此神物吁嘆丈夫雄

括蒼趙尹安松菊軒

長松當前除秋菊開東籬高軒坐終日相對如相知秀色
冬在戶寒香時到惟陶然一壺醉歡樂復奚為雖達大夫
封愛此隱士姿莫令三逕荒共作百年期南山石齒二故
園草離二因之寄邊息重賦考繁詩

黃思讓鶴圖

昂二仙家會獨立意有在回頭整脩翎悵望青冥外諒非
衆鳥群宛然乘軒貴扶疎綠竹陰好爵將爾待側聽九臬
音高堂靜相對始知丹青工寫此芝田態草表隔海深層
樓倚空翠千載想來歸令人增感愴

贈趙公子

趙生將門子束髮事六韜磊落青雲器飄飄紫鳳毛於焉
好遠遊結交盡時髦讀書五行下作賦文尤高問持一斗
酒對客誦離騷壯節比層岫逸氣凌洪濤坐招賈太傅和
吳吊鼃螯長揖獨醒者北風吹錦袍我昔來長沙邂逅湘

江皋中途即傾蓋執手忻相遭拂拭座上琴揮灑花邊麈
茲當陪遠別遲爾慰勞勞

送王肅使車里孟肯蠻復官南平令

續文在治人具才良獨難多君鳴陽侶五采凌雲翰早歲
登巍科香名播朝端烟花紫禁侍劔佩同珊瑚二鳩來宰南
平百里桑麻繁牛刀試一割絲桐聊育彈直茲堯舜理極
航走夷蠻報聘肅天威遴選慎其官術詔往絕域慷慨無
戚顏雅懷豁湖海芳詞吐芝蘭旋命對魏闕束裝盈園
閔誰云負路乖遠慰居人歡鐔水光萬丈照耀斗牛間蒸
聲諒如此日夕當來還

崇仁黃士頤湖上真趣

好山在湖口平湖浸山根湖山互遠近朝夕風景繁杖策
湖上來開軒對琴尊閑雲簷下宿鷗鳥當牖積雨水氣
涼芳林樹光暄地偏境自愜道真趣長存幸無形後累是
非堪忘言皎月契夙願因之詠蘭蓀

長樂陳必重漁雪

飛鳥沒長空同雲敝千里川原望冥冥孤舟在寒水蓑笠
弄一絲北風吹兩耳所適景象殊豈為鱸膾羨爾橋句欲
成剡溪興未已却笑雪中漁襟懷亦如此

題上高余令山水小景

晴川逗秋影陰谷留閑雲孤舟對飛鳥歸思何紛紛顧茲
簪組縈嘆彼岐路分草堂諒無恙北山笑移文

題宋道賓家方壺春雲

昌黎寄東塾杜陵懷太白交情託浮雲千里猶咫尺遠對
滄餘春濛城澹將夕即此那能忘惆悵欲行客

題商山四皓圖

楚歌自激烈趙舞何綢繆臣疎言匪用予挹寵所留誰知
紫芝頽顧同赤松游天可談笑間千古推良籌

虎溪三笑

廬鼻留踏雲虎溪帶夕照如何三人行共此開口笑狗迹

固異途論心可同調清風松上未冷然契真妙

題二仙傳道

浮生倏若寄虛名竟何用黃梁一旦炊幾度邯鄲夢飛劍
江上雲掛壺林間洞備栽昌黎翁不受藍關諷

題孤山歸隱

古剎林下夕跡梅湖上春杖藜往來者云是羲皇人利去
樂為業名遠道與鄰古有逸民傳非君孰其倫

三山王養靜先生集卷之二

七言古詩

聖孝瑞應

扶桑倒影掛靈谷，緇衣翩翩下天竺。
銀潢萬里迤輕舂，遙見真人調玉燭。
法王樓閣中天開，寶幢斜倚瓊瑤臺。
四頭笑指祇園樹，昨日恒河沙上來。
九重垂拱羨瑤臺，面卷却龍章。
向深殿鼎湖煙雨濕，烏弓漢宮蘭膏掩粧。
扇壁月玲瓏雕玉簾，佛筵桂影夜纖纖。
祥光萬丈照貝葉，天花五采飄垂簷。
梵音萬口海潮小，三十六宮管絃繞。
松支骨露甘可食，覆地瑞雲堦率曉。
天子爭聞四海

歌慈航西駕滄溟波又聞高山萬歲祝龜書馬書
清時多庶熙化日長如昨十五階冀生復落康衢黃髮
咲自如向處派沙尋極樂

題新塗裴孝感雙壁卷

大器五瑞世罕識誰說骨璜重晉棘玉堂朝迴朋舊過
歲寒見此雙白壁裴家双壁人共奇伯氏吹塤仲吹篪
明堂政爾薦瑚璉豈容拱寶橫路岐千金設索連城價
一壺且說都門駕依依孝感百里懷華萼風光未堪借
壽椿堂爲宰寧師都指揮賦

堂上壽椿色蒼古八十春秋定堪數高枝擎空凌雲霄

落根厚地含風雨君看此樹異尋常
屏翰柱石俱可當
直材聊試干城用大器自合歸明堂
離離柯葉蕃更茂
一株豈在燕山後芬芳入戶播餘春
巨蔭滿庭轉清晝
三槐五柳人所聞何如大樹真將軍
手持南極勸君酒
世上草木徒紛紛

題長沙進士陳公別意

七月流火政酷暑朝迴官舍汗如雨
長沙進士占我西干
持詩軸求我題我聞西平古有子
今見雲孫亦如此群經發
難如扣鐘萬言破的若沉水以茲騰達馳姓名
朝迴幾度
同閑行玉門曳裾新得意都城倚棹催行程
比日河關多

著作相傳東平善為樂臨岐拚醉愼莫烈相思休上仲宣樓

鄭尚書煬彦嘉紫芝山房

七閩古稱佳山水紫芝嶙峋何處是天巖翠見三峯拂
地林霏知幾里芸房結構當差我騷人墨客日相過丹青
閣下半松桂鐵獅庵下垂煙蘿曾同玄豹隱深霧長材未
展雲霄步座右雅留八卦圖床頭已擬三都賦一朝辭山
靈去作金閨彥韓愈寧辭陸贄知馬周不愛常何薦行人
且止避驄馬大藩分符方伯亞春暉燁燁紫芝房萬大虹
光照清夜降神共說生賢良甫侯申伯朝明堂秋典持衡
穎藻鑑斗樞管筆資文章高懷夙抱林泉賞回首鄉園心

獨往委佩花間北
關晴朝采柱笏
西山爽君不見至
治鍾
天和離離朱草遍
巖阿明時謾憶商
山曲都俞好咏虞
堯
歌

題山水圖送陳秀才循歸閩中

九仙之山勢差戕
下壓層城闕長河
仙人騎鯉去不返
荒祠寂寞垂烟蘿
兩岸樓臺夾流水
使君橋頭花作市
橋上誰乘駟馬來
共擬東丘好孫子
東丘孫子傳白眉
十五即與青雲期
秘閣校書識竒字
石渠走筆題新詩
清秋夢憶故山好
客舍襟懷應草上
梁燕辭巢訝歲深
井梧落葉驚寒早
知爾家林念二難
臨岐官從莫彈冠
映渠山色猶如

此依舊行人馬上看

太學生王融林伯景湖江書舍

藹藹山下湖我我湖上山湖山佳處講書舍白雲半間書
半間林生讀書不出戶韋編三絕何辛苦愆外光陰自四
時心中憂樂恒千古以茲意氣同古人牙籤萬卷未為貧
湘簾色分巖樹曉石几香掃潭花春秋今領薦遊璧水籍
籍聲名滿人耳筆陣縱橫風雨來詞源浩蕩波瀾起君不
見相如出乘駟馬車方朔入直承明廬人生富貴有如此
莫忘湖山舊日書

題陽邊少賢書室春曉卷

蓬萊官殿三山小花雨溟濛五雲曉赤城霞氣啼曙瑤
池春信傳青鳥仙人箇箇顏如玉手把紫芝騎白鹿往來
咲拂扶桑支為道紅輪出暘谷山頭夜半東方明坐見五
樓十二城瀛洲圓嶠了可辨霓旌絳節紛相迎仙人携我
游碧落仙家風景多歡樂石渠虎觀天上開金門未召東
方朔玄元閣上朝群仙金函細讀長生編蟠桃花開子未
實人世已道三千年丹崖翠壁見春色塵緣未盡仙九隔
道逢平叔煩誣之老夫舊是蓬萊客

送楊諭德勉仁令弟還津上

原上雙鶴鳴雙飛復雙鳴陳家兄弟重恩愛三年不見

為情大兄早作金閨客，賜對釐宮帝前席。花間視草螭
春日下降麻，鰲禁夕夜來。靈鵲棲海崇，應念行人辭。故鄉
謝庭少言識，子敬大丘二難憐。季方五月孤舟江上至，千
里間關訪同氣。錦筵剩倒黃封瓶，雕床共擁青綾被。墳遶
迭奏能幾旬，夢中應應高堂親。竹支歌長挑葉渡，一挑行
李南歸闔城頭。反哺啼曙烏天邊，旅鴈聲相呼。知君居家
似為政，好著萊衣拜家慶。

題郭駙馬公子罷釣詩意圖

滄江罷漁釣，月落漁家村。綠揚船不繫，且倒枕邊尊。醉來
高枕秋風裏，一任船流江上水。鳧渚鷗汀次第過，蘆洲蓼

岸參差起紛陽公子心好奇玉堂彩壁生遐思魚箋近看
有聲畫形管盡拂無聲詩

題行江傳文琰湖天宮楫卷

昔年扁舟過洞庭八月湖水涵空青飄如斷楫落鏡裏何
處鼓瑟聞湘靈前年又過番陽水推蓬一望天如砥回頭
試問同舟人共說家鄉幾千里今年極目露澤湖新煙遠
柯遠菰蒲自憐蹤跡寄一楫東西蕩漾風波俱歸來閉戶
讀青史忘念宦游何日止故人持卷索新詩笑我平生跡
相似湖天宮楫莫樓其系孤蓬矢男子期相逢尊酒且開

口

又別離

賦權校硯峽送曾侍使安南

君不見後硯峽峽畔青山如壁立昔人孥舟峽際乘長風
巨浪何嗟及聞道昔人庶且瘖寸心炯炯日月明歸裝誤
持一片石至今此峽留芳名皇華使者玉堂客一片丹心
宛如石飛夢長懸北窓思新吟已著南游籍春風浩蕩送
仙舟布帆十里乘安流笑問舊時蟾蜍侶銅雀與爾長同
游

送泉州太守胡公器復任

春風二月初柳色拂行車都門候帳集冠蓋送君仍作事
城居海上寧城知幾縣桑柘陰陰絃誦遍河內冠袍衆

菴穎川黃霸人爭羨設道重來頌九年承明有詔促朝天
刺桐花下一杯水共望車塵誇佶仙

送陰陽訓術鍾原暈歸會稽

歲宴雨雪多奈此獨歸客都門一樽酒千里惜行色行色
匆匆蒲去舟客心日夜東南流梅杏撲袖閭門樹馬聲到
枕錢清洲編摩東觀米朝夕笑爾相看同研席唐志應推
一行儼晉書獨數淳風曆歸去雲山醉裏過鑑湖春水生
綠波應煩回首寄雙鯉鼓批好聽伐木歌

題林叔仁雲泉悠思堂

舉頭見白雲低頭見流泉我生日衰老中結何由宣雲行

泉流處處見何處重見九原面淨几讀殘篋裏書游
盡手中線寒泉嗚咽雙溪流浮雲縹緲如白頭松揪
歲月晚百年之思良悠悠我思悠悠無朝暮大舜會
十慕門人並廢麥莪篇孝子不作閑居賦來芹池上
堂蕭蕭風木多感傷致身好在青雲上會見黃泉生
耿光
入日雨雪有懷閑中游好兼寄善化毛校文

雪飛坐空齋蕭蕭入清夜嗟予倦游人風光不堪借城頭
雪下啼曙鴉獨憐行客應思家寸心撩亂若飛雪東西飄
泊隨天涯昔年人日歡未足薄暮尚在城南麓清冷
空下
弄舊蹤老鶴巖前按新曲住事淒涼愁復多紛上雨雪當

如何山陰歸舟謾乘興杜陵草堂空浩歌才名賢達總何
益尊中有酒聊自適醉來高臥廣文籟門外雪深知幾尺

送陳叅政禎之任河南

昔我儒冠游南宮東丘詞翰稱文雄而今相見十載後
籍籍芳名滿人口念君昔作尚書郎錦窠名未爭輝光
大儀寧委仍獨對張燈起草能千行又聞出拜二千石
峴首殘碑問行迹襄陽耆舊說往年今之使君宛如昔
聖人垂衣登九重願昂劍佩俱夔龍于時獨陪九卿列
發詞吐氣恒從容虞珥政爾求方牧隋珠和璧光奪
目要使文風播大藩豈為王首勞侯服大系形勝天下

逼出按列郡毋忽忽好煩問巷問疾苦

天子側席思疲癯我時校書在東觀幾度朝迴花底散
傾耳應知士論歸驚心屢覺年華換君不聞五袴歌昔
日無襦今何多古人爲政有如此看君德業當如何

題醫士楊剛則杏林圖

董公昔住廬山岑醫術通仙人共尋回生起死不受報
種杏數載成芳林杏樹成林花結子山中種者日後爾
老翁稚子負穀來猛虎賣杏長林裏賣杏枚穀知何為
穀多還賤時人飢吁嗟董公乃如此神仙之術無所私
揚君賣藥長安市醫國誰識千金枝何用廬山種杏多

一片丹心古人是始知種德同古人柴門石室隄陽春
董公千載不可見見此異術非常倫

送通判袁長幕朝覲東歸

郡城淮江上千里淮流清郡中諸賢多雅趣路去行人捕
頌聲頌聲悠揚淮流小棹毫談笑官事了筠簾半掩化
日長宗陰滿地聞啼鳥夜來迷賦朝明堂黃麻重錫雲漢
章衣雜指天樂近宮壺春酒瓊花香承思遠辭雙闕曙
歸枕東指廣陵樹風流太守詩思玄獨解錦囊索佳句

題京庠賴教授應祥思親堂

藹藹京國雲浩浩秦淮水念我堂上慈寸心日千里此堂

幾度萱草花紅衣遊子來歸家鬢宮絃誦坐人年曉來
聽林間鴉鴉啼啞啞近絳帳歌詩誰道驪駒唱庭闈擬作
百年懽甘旨須供三釜養君不見昔賢三遷俎豆儀遊子
今為千里師人生有子能如此堂上謾憶雪絲絲

奉萱堂為嘉興太守齊用衡賦

芝蘭看深秋桃李惜餘春何如樹萱草慰我堂上親親類
子色日相親兒乘五馬年復少絲袖舞迴兼並長壽鵬勸
盡花同笑人言萱能忘憂慈闈長喜兒不愁朱箔至蓋
懸花外板輿且作花前遊花開爛熳映丹桂花下行厨進
甘毳兒孫共視萱草花堂上慈親願千歲君不見斷機遷

會古所談如今毋教聞江南大邦出拜二千石忘憂之草
稱宜男

長春接歌

靈山秀拔東南奇水溪蕩漾堆玻璃丹崖翠壁互遠迤四
時景物俱相宜高人好奇有佳趣構樓政值奇絕處樓間
風景無四時自謂青春不歸去朱欄十二春意閑游絲百
尺時往還天桃細柳色明媚流鶯語燕聲聞閣樓上賓朋
接巾屨隱几凭欄雜賓主彈琴擊筑恣所歡炎日當空不
知暑碧梧翠竹秋夜長危簷素月懸清光度亮登茲興何
限仲宣未必懷故鄉六花飛舞異天好南枝梅發春應早

瓊林玉樹縱目前直欲乘風拾瑤草伊誰怪問長春樓
非闌苑連瀛洲縱然景物自奇絕青春豈得長淹留高
招手向予道開口相看共傾倒青春豈獨景物妍別有風
光滿懷抱懷抱風光長似春明窓虛牖軼緘塵浴沂之樂
古來少今見茲樓同古人

送瑞州經歷孔永遺還臧

鳳山高跨筠陽城人家巷陌多逢迎郡中蓮幕清何似好
似郡前江水清江流千里繞京郭同爾聲名到寥廓北海
功曹廊廟才汝南太守主一諾西望筠陽此日歸客還九
月樂後衣東裝始發桃葉渡掛帆直憩燃犀磯滕王閣下

逢父老共談幕賓政尤好盛世雙龍接武來諸客過家猶
橫道

送王布政公冕之任四川

吾宗才俊相後先今之牧伯稱獨賢早年已作金閨彥精
頭簪筆如登仙復聞京兆古難理籍籍香名滿人耳潁川
未許黃霸留河內行看寇恂起看君出牧控諸侯五月鴈
熱隨行舟灘頭百尺引江色瞿塘巫峽迴清秋捫參歷井
抵天上錦城劔閣森相向雲物應同時雨新山林獨待仁
風長君不見川西東至今治化推文翁虞廷方岳稷契是

知君迥與古人同

題陳季文山水圖

寒江積雨遠山小白雲拂戶渭春晚花逞微茫半綠苔草
堂寥落啼黃鳥孤舟盡日橫江干蘿蕪生綠鷗鷺閑典衣
曾似杜陵醉解帶暫向輞川還虞廷夔龍紛接武長林叢
條那可數

五曲書房歌為樵川龔文貴作

武夷山水清且奇勢絕東南衆所知仙人玉女互先後香
爐茶竈相叅差山中五曲百勝集清幽直向樵川立懸崖
轉壑鳥道低流泉屈折羊腸入龔生采藥樵水邊褰茅搭
室當其巔嵐光斜分曲几外樹色直墮虛窻前曳鋸西作

金門客回首猶疑見顏色夜來夢遶剡溪舟獨往蕪川覓
行迹聖人南面垂衣裳多士濟濟登明堂期君勲名照竹
帛茲山千載同輝光

新亭話別圖陳後時茂才送兄從器歸閩

河慶望新亭迢迢挑蕪渡渡頭日日送行人腸斷驪駒客
中賦驪駒賦罷歌鷓鴣行人掩袂不忍聽兩花臺前二水
白蛾眉磯外三山青三山宛似閩海上難弟難兄稱競爽
千里長隨鴻鴈群中宵倏起家林想大兄欲行小弟留綠
陰滿地生別愁黃鸝間闕聲四五烟波浩蕩滄江流臨歧
共醉壚頭酒解纜未行重執手好看喬木惜連支莫向亭

邊折楊柳

題林典樂二馬圖

典樂林景文氏持二馬圖索予詩久之典樂善於職第支道流也因詩以寄意云

渥洼孕精天馬出
躡景追風應彷彿
近觀此圖妙模寫
無乃天閑舊時物
一匹奚官騎且行
一匹隨後行若鳴
前者攢蹄色侵赭
後者鶴立連錢青
吁嗟二馬俱神駿
萬里長空須奮迅
世無伯樂三顧之
誰言價重連城費
杜陵昔作畫馬歌
百年追遂稱東坡
二公雋才不可見
蕭索筆力將奈何
我聞匏巴善鼓瑟
六馬仰秣耳皆側
高堂隱勿劫言

商祗恐脫却黃金勒
古人駿骨增價沽
休嗤索駿常披圖
早朝仗出玉墀下
頰爾細認青雲衢

長沙過春余方以事見拘有懷京師諸知己兼簡
同院游好

臘月雪方霽春光江上來
人生少年多離別得意逢春能
幾回前年看春在京國
髦士濟濟同歡樂錦筵紅燭夜色
開銀缸綠酒寒威却去歲春歸
錫陽城坐間磊落總老成
莫衣買醉共傾倒揮毫作字多
縱橫今年逢春長沙道官
舍凝塵愁不掃北關馳心君所
憐南冠滯跡我應早三十
有立古所傳嗟予今日多四年
案頭六經徒復爾床上一

遠况依然紛紛岐路刀錐者白眼傲睨仍叱咤華屋千金
氣且豪翠眉一曲色堪借問爾春來更何如客程先憶武
昌魚賈誼未勞夜半席鄒陽已擬獄中書以茲沈落顧如
昔司馬謖向江洲泣蓬萊池館春意深遙知駐馬應相憶

題道士林栖霞碧蘿筱洞

溪上垂蘿幾百尺石洞陰陰闕長日昔人學道居其間塵
世紛紛未曾識白筱一嘯下青山藥瓢丹竈共徃還巖扉
自掩明月上石床不掃浮雲閑伊誰尋真百年後道機通
玄七閩秀竇笈仙書入夜觀鐔津霞氣凌晨漱秋風嫋嫋
吹碧蘿筱聲時和步虛歌明年買棹七峯兩洞中鷄犬知

相過

贈醫師長樂劉宗貴

爾家鴻儒幾世餘，逢掖奕葉聯簪裾。
千童喬木式鄉閭，蚤歲剝讀岐黃書。
蓄工敷巧意所儲，沉疴痼疾頃刻除。
兒童遊識華陀車，賓客盛集蘇耽廬。
肘方細論實起予，扶貧拯弱播佳譽。
心田方寸日夜鋤，笑爾高誼世不如。

古洞閑雲歌為莆田樊庭詠上人賦

古洞深幾許，閑雲日來往。
唯應空門居，相知愜幽賞。
上人十年不出山，身比浮雲閑更閑。
松門石榻日應掃，花底綠菲時自閑。
紛紛郁郁古洞口，白衣倏忽成蒼狗。
細觀色相

了無蹤真空境界那能有雲來碧峰夕雲去滄江陰上人
笑爾同無心明年結杜鳳山裏知向白雲深處尋

題太僕寺丞吳鑑皆山軒

滌上好山皆有情周遭四面如長城遠山排雲絢金碧近
山遶屋恒青青醉翁探竒事幽討賓從雜選忻逢迎百年
遺構在木杪碑碣猶記當時名吳侯軒居極森爽開門見
山心目明興來詞翰稱傑作逸氣直與前人并千崖萬壑
捲簾入芙蓉倒影生銀屏林霏晴拂曲几雨巖翠衣掩虛
庭星壺觴狼籍麋鹿侶簪紱優游鷗鷺盟西磻春深樹露
瀉瓊泉日落花冥冥 盛時不復念艱阻公暇應得歌界

平輞川藥園寄勝樂社陵草堂含餘清躋攀未陪窮異境
唱和或喜隨同聲珎珎謾比終南捷為予揮手招山靈

光霽堂為典儀周孟郁賦

瀟溪溪上花濛濛光風霽月曾次同吾道東流接洙泗至
今千載聞高風近來孫子居豫章麻姑山水木鄉一堂
風月四時好溪流樂曲晴雲香吟風弄月樂何以曾次悠
然有如此迴廊樹影到琴榻曲徑苔痕隨履齒玉門緩帶
曳長裾門外應多長者車濟時擬獻巖廊策故人猶寄鄉
園書鄉園舉手別松桂共過京華訪光霽試問瀟溪溪上
翁寸心總為蒼生計

題甥洪源送舅胡銘惠赴重慶推官

十月秦淮水浩蕩渭陽情孤舟向何處舅有萬里行萬里
岷峩蜀中道兩岸猿聲令人老艷頰留堆紅臘過峨眉積
雪知寒早春來行李駐行軒三巴籍籍說平反共稱仁傑
有異政却笑建封多艷言草堂乞汝山陰墅別後羊曇獨
延佇宦思長隨劍閣雲客懷好憶湘潭雨君不見舅氏同
心能幾人珠玉在側徒傷神丈夫努力成宅相臨歧何用
淚沾巾

古靈舊隱

提舉林源言以其家閩郡西之古靈古靈名舊

矣以龍圖陳先生襄始聞於天下原吉氏幼學
脩飾尚交古人當思其所以聞者弘厥知懋厥
行以趾前美則古靈山水日有光輝而舊隱自
原吉氏以顯毋徒曰古人云爾

閩中山水稱古靈探紅赤岸旌峯青荔園柑園接島嶼梅
村桃塢通郊坰人家成聚互遠近半在市朝半歸隱門巷
逶迤穿綠逕離落去差夾紅槿此地先賢昔日居兒童應
識長者車東隣機杼朝織練西舍燈火夜讀書故鄉風景
爾何有年少交游恒白首烏府新推從事賢誰道折腰羞
五斗曳裾左載宦情多蘭臺微省時相遇百壺濁酒能留

客醉後曾聞白雪歌因言舊隱似盤谷豪裏唯懷返初服
蕙帶羅衣江上春王孫幾望天涯綠長民吹斷空江雲落
花歸思同紛紛寄聲猿鶴迤相待草堂謾賦北山文

題山水圖

我昔曾在西湖上層巒疊嶂森相向白雲雨後闌卷舒中
天一道開屏嶂浮亭虛閣若蓬瀛酒旗搖曳風前輕彈棊
事竄多樂事飛觴促席爭逢迎孤村遠嶼渺何處落日行
人自來去樵客時歸渡口橋漁舟夜泊鷗邊樹竭來客裏
觀盡圖消堂詞客相喧呼隔牆呼酒共一醉令人却憶高

太學生卓民奇愛日堂

貧士值冬日負喧持獻君志人惜寸晷致力樹功勳以茲
愛日盡臣節何如孝子情更切鶴髮蕭蕭兩鬢垂陽鳥西
馳腸百結柔榆晚景去日多青天誰授管陽戈壽觴迭進
慈顏醅綠袖並舞長婆娑君不見殺鷄供饌古稱賢駐車
望雲心惘然男兒愛親各有道至今芳名留簡編

周壽山攬秀樓

吟子掛墨綬豐溪水鄉衆山遠近屏障列一水西流銀
漢長桑麻桃李連阡陌巖岫掩映生顏色風景唯闌攬秀
樓四時登眺留行客樸中子弟耽詩書門外應多長者車

空潭過雨中屢濕高樹凝雲惚痛虛天晴鳥啼簾半捲猶
樓蒼翠看堪剪倚醉可勞憶故園換至胡床興不淺獨不
聞謫仙昔日菜雲松匡廬瀑布望幾重予將歸臥樓上月
沈耳靜聽東林鐘

三山王養靜先生集卷之三

三山王養靜先生集卷之四

五言律詩

送瑞州府唐太守 岳

侯家五馬舊今日又先鞭政簡居人化謠成過客傳荷山
行蓋外錦水訟堂前因念追進地相看笑冷蘊

送莆田卓教授之潮陽 主敬

王宮曾直講侯泮得儒英謾惜都門別應為故園行杯傾
丹荔醉衣試白蕉輕珎重昌黎化須同 盛代鳴

江頭別周子容

冠蓋都門外離筵促別觴帆開維水遠路入楚天長

鳳詔穿衣紫龜章映柳黃文翁多惠化遷衙繼道方

送戴彥則再任含山令

牛刀應小試弦誦憶重過政考三年最謠傳五袴詩桑林
連楚甸煙樹入淮河回首桐城近勞君思更多

送淮上批驗周大使

誰向太行坂益車見驥才一官淮海近曩日

帝城來暑月遲歸舫涼雲覆別杯詩囊太白句因憶鳳臺

臺

送任徽州

昔聞二千石黃霸獨稱賢今見任公子居官似潁川

花外市桑柘鳥邊煙寄語山陰叟毋勞獻一錢

江山萬里圖為李廣文作

丈夫四方志未肯事立國夜月三神島秋風五丈原提壺
探禹穴躡屐上龍門太史遺編在煩君細討論

祝徐母施氏 二首

綠髮克家子青襟上國賓政帶三釜養誰念半生貧華館
魚供母空山鶴弔人至今徐孺老猶是孟家鄰
極目烏程路高堂旅櫬歸音容芳樹遠心思片雲飛別處
茅生鋏荒塵菜子衣青山佳兆在寤寐掩春暉

祝吳孟勤教授先葦 二首

夫子延陵裔才華海內知西清董狐筆南國蔡邕碑共見
諸生楊誰言一老遺秋風梁苑村蕭颯有餘悲
百年同是客此別又吞聲冠冕生前夢文章死後名汴水
客旌遠維山旅櫬行諸生能卒業聞數鄭康成

送王界善首座還莆

造公京國久飛錫日邊還雙樹時行見三花生蕊藥木杯
滄海凌丈室白雲閑何日辭軒冕來尋物外閑

節婦閔氏

獨守芝蘭質淒涼桃李春傷心雙鬢雪含笑九原人宿客
聞陶母詩書記孟鄰可憐聚麀者不若草同塵

養蔬 四首

漢府教授王先生圃以養蔬自號先生非學圃者也

蓋因名寓意亦將究其本歟作四詩以貽之

微雨朝來過園蔬取次看韭芽竹土暖芥莢怯霜寒畦理
高低種厨供旦夕殮莫嫌蒸藿舍金玉試春盤

睡起應行菜群畦喜有成銀茄星錯落金蕤筆縱橫薑芋
香生饑蔥芽寸入羨南窓時一飽未數五侯鯖

雲生花裏逗雨泛竹邊渠積水收菰米編籬護土酥堪嗟
漆園馬誰憶李膺鱸王業函風舊稔熟叙斷壺

御冬當旨蓄應得治芳園掛壁藏新種
浣旒旒宿根萍莖

憐鳳炙玉粳詫熊蹯擬作水壺傳雄才獨討論

題雪景圖

高閣凝雲閉虛窓帶雪開鳥寒多辨鷺樹暝抱疑梅遣興
惟詩句銜情祇酒杯遙知函丈下已遣二生回

送林德入成均

羨君年最少夙有子雲才駐馬看吳苑聽鶯憶粵臺寒聲
林外落暝色鴈邊來惆悵離亭思惟多白玉杯

送僧還莆田

都門相送處無奈杯條長呪誦天花繞經翻貝葉香浮杯
吳水綠飛錫海天忙後夜涵江月應期到上方

送瑞州唐太守

都門重出守，供帳酒頻斟。
室掛申微畫，門辭王密金。
匡廬歸旆遠，蠡渚片帆深。
試看西江上，甘棠幾樹陰。

寄顧先生謹中

滕閣結壯游，文閣接高會。
笑語一尊同，分携十年外。
山光對揮毫，峽影引聯佩。
河間賢士多，著述推先輩。

寄張先生拱辰

錦官文園賦，統花杜陵吟。
氣凌雪山高，興與巫峽深。
設醴重前席，曳裾諧晚心。
相思邈千里，遲爾璫華音。

輓五峯林處士

吊鶴寒風裏雙鳴處士莊人琴同斷喪山水總淒涼共惜
音容遠唯餘姓字香碑銘無媿色重許蔡中郎
五峯不可望腸斷問庭闈椿室悲何慘松廳政已非空留
愛日念祇是戴星歸宿草佳城淚長沾故舊衣

高安朱縣尉永思堂

獨抱終天恨高堂動永思誰知風樹淚長廢參我詩花縣
山當戶松庭鶴近惟星行良在近春色上墳碑

不肖少有志於典籍蚤從事於觚翰厥後計偕京
師獲游太學出教二郡擢宰于茲日究心夫簿書
期會之間而學校之務惝若乎其後退因口占近

體四首以示諸俊彥兼似孫林二訓迪先輩希教
正呵呵

西江文獻地髦士儼如林百步穿揚手千人擢柱心嗟余
虛度歲易爾惜分陰試看豐溪水東流晝夜深

世人多昧昧幾箇入儒門德禮時脩省詩書日討論賈生
須閉戶董子不窺園努力無難者尤賢有格言

詩書崇四術禮樂盛三台世仰飛龍德人思倚馬才青
春當自惜白日不重來共見雲霄上黃金久築臺

南宮森翰墨東觀富圖書枚乘朝隨輦巨衛夜直虛鳴珂
雙鳳闕聯袂五雲衢願我空虛者愁吟局促餘

廣州市舶提舉院思廉永思堂

宦轍日千里親聞思未涯看雲心恁恁愛日淚絲絲雀炙
朝供饌熊丸夜掩帷青山渺何許腸斷數行碑

凍笋頻思孟珙衣擬學萊未供三釜菴遽作九原哀官舍
憑烏集空山弔鶴來幾行蕪吏傳春色到泉臺

送湘鄉王子材夫令

王塗寒月白吟思在長沙作邑時爭譽新詩衆共誇漁家
連島嶼川路入桑麻頰寄江南信疎梅已著花

送醫士謝孝達還閩中

吾邦多醫術才明似子稀難經心作舍藥劑意為機仙井

泉流滑春山杏樹園壯年使絕域清譽滿京畿

輓魯春齡庶吉士

二首

拭目才華蚤傷心涕泗零天人甲乙策謨訓帝王經夜室
塵幃白春郊宿草青因思東觀列為弔北山靈
蚤歲傳先業清時擢甲科誰知萬里挽總是廢多歌黍散
聞春鳥泣沉嘆逝波青山一杯土行者淚應多

輓草堂先生李克真

五柳陶潛宅浣花杜甫莊江山成感慨風討共淒涼佐邑
蘭芳譽傳家見義方佳城碑碣在千古有輝光

送楷書陳德剛歸莆

近得鍾王法才華世共稱
劍鋒看舞女筆陣突狂僧
散帙花前席鳴琴竹裏燈
石渠成遠別白下酒如澆

送王志仁歸餘杭

誰知逢拔貴東觀校書時
待漏趨青瑣題詩立赤墀
自憐心似石莫嘆髮成絲
後夜玉堂月勞石千里思

送無為知州鄒以信

無為新出守五馬獨羣城
帝鳥留吟珮垂楊引別旌
青山雲外見綠野雨中耕
千里皇畿內行人播政聲

李繹如掾史永思堂

豐城人

劍氣豐城暮淩涼感歲時
雲山何處望風木有餘悲
香閣

一塵集帝編手澤遺顯揚達盛世翻作去思碑

輓浦城蕭處士 德恭

八葉前朝相流光在後昆教兒逢歲稔避地厭塵喧花竹
東山夜琴書北海樽百年成往事何處弔芳魂

西浦含嗚咽茲鄉失老成表輒留後戶總悵掩前楹子弟
春秋學鄉閭月旦評行人訪遺事慘淡暮雲平
中歲情懷惡朋游轉服稀終身傾兩淚一棹戴星歸
名應盛靈椿養已非碑陰先友記地下有光輝

送陳按官之溧陽 公餘

春歸殘臘裏行色在孤舟山訝毘陵翠河經溧水漲青樓

寒榻共絳帳夜燈留時雨諸生墮休過太白樓

輓林文德并宜人陳氏

揮淚悲春草人琴羹共亡水雲朝川墅詩酒浣花莊時去
鵬臨座業空燕拂梁至今江上若不復唱滄浪
仙郎今獨步何處哭庭闈俎豆春移宅詩書夜斷機孤鷺
明鏡掩弔鶴米雲飛宿草西營路行人淚濕衣

贈銅陵陳大令立本

吾愛潁川長怡然太古心傳家能製錦作令在鳴琴桃李
村問市桑麻野外林試看秋浦上惠澤近來深

輓戶部王侍郎公履

木稼當茲歲那堪喪哲人地官竟淪落邦計失彌綸月掩
靈帷莫風淒旅館壘佳城太史表行著淚沾巾

簪纓揮淚歲共泣小司徒策視陸公草魂招高士芻雨宮
頌秘器東閣閉賓厨誰弔華亭鶴淒涼月影孤

挽陳宗源

北山之裔

黃葉蘆峰路故家喬木存相知悲潁谷卧病憶文園樽俎
留賓侶詩書教子孫佇看乘馱馬早晚過高門

簪組先賢澤詩書後世馨一芻徐孺莫雙壙蔡邕銘別墅
荒雲白春郊宿草青媿予同里閑揮淚寄冥冥

題綠柳紫燕黃雀啄粟二圖

綠柳夏依差池玄鳥飛蹴花隨別騎嘶絮點征衣隋漢
晴煙暝章臺夕照微衡門相托久願傍主人歸
盛世大有年飽啄田中穀蓬蒿霜霰餘同飛復同宿既秦
彈丸危且慮網羅逐何處托微生嘶環傍君屋

題倚筠軒

四壁圖書外滄筠獨繞軒一林雲影濕三迳雨聲繁借種
開移屋頻觀屢款門侯封還肉食大笑謝塵喧

題郭處士

花竹虛林閉圖書別館荒百年成感慨此日共連涼壠路
寒雲白碑碣夕照黃高門期令子青史姓名香

題劉原毅梅花卷

南浦月弄影西郊
靈生香悠然動詩興
攬衣開草堂短筇
素髮多長席清樽
故人憐何許歲晏毋相忘